


PAMFLET

1488



COPIE

Vande

Belijdenisse ende Sententie

Capitael van Cornelis de Hoogh.

Waer inne ghespeurt werden de aenslagghen ende middelen/welcke den koninc van Spangien tot verscheyden tijden ghebruyckt heeft/ omme door verraderije/ seditie ende oproer dese Landen te brengen onder syn absoluut ghewelt.

Allen oprechten Lief-hebbers ende Yveraers der Nederlandtscher Vrijheyt tot vvaerschouwinghe.



Ghedruckt int Jaer onses Heeren

M. D. C. C. I I I.

1488

71



Alzo Cornelis de Hooghe / gheboren
inden Haghe / ieghenwoordich ghevanghen
voor den Hobe van Holland / buytē pijnē ende
banden van yser bekent ende beleden heeft /
dat ontrent Alderhepligē inden jare vijftien-
hondert een-ende-tachtich eenen Don Ga-
briel de Silva gheboren van Mechelen eer-
tijds Camerlingh vanden Keyser Kaerle hoogher ghedach-
ten / hem ghevanghen ghetchoont heeft zekere patenten ofte
brieven van credentie / vanden Coninck van Spangien / zeg-
ghende / nadien het tractaet ofte handelinge metten Hertoghe
van Nova Terra binnen Cuelen niet ghesuccedeert en was /
na des Conincks begheerte ende intentie / dat hy ghevanghen
(zo den Coninck verstaen hadde dat hy van synen bloede ende
een bastaert was vanden voorszreven Keyser Kaerle) hem
zoude willen laten vinden by den Coninc in Spangien / omme
met hem te raet slaghen / ende eenen nieuwen voet te nemen /
hoemen dese Landen alderbest zoude brenghen onder tghes-
biedt ofte ghehoorzaemheyt vanden voorszreven Coninc van
Spangien / belovende hem ghevanghen in cas van succes / te
voorzien met groote staten ende digniteyten / ende dat hy ghe-
vanghen de voorszreven zake in deliberatie ghelept hebbende
met meester Jacob Vos tot Delf / ende hemselfen in Spangien
niet betrouwende / ten voorszreven effecte mettē voornoemden
de Silva naer Spangien gesonden heeft eenen Jan Kottaller

wt Vriessandt / ontrent den tijt dat syne Excellentie tot Antwerpen gheschoten worde / ghevende de zelve Kottaller tot dien eynde mede brieven van credentie aenden Coninc / middels gaders eenighe middelen ofte concept van ordonnantie daer toe dienende / ende zeker vertooch ofte Remonstrantie vande staet / conditie / ende ghelegghentheyt van dese Landen / ende dat hy ghevanghene om dese reyse in Spangien te verborderen / de voorszreven Kottaller ghedaen heeft die somme van vierhondert Carolus Guldens / behalven noch zekere brieven aen Coopluyden in Portugal / omme nuer penninghen aldaer te lichten indient noot ware / ende de voorszreven de Silva (zoo hy te kort van ghelde quam) gheleent ghehad die somme van twee-hondert Carolus Guldens / ende dat de voorszreven Kottaller (die ontrent vijf maenden wt gheweest hadde) t'zinder wederkomste hem ghevanghene eenen brief van credentie vanden Coninc van Spangien ghezacht ende rapport van syn wederbaren ghedaen heeft / als dat hy metten Coninc van Spangien ende den President Fouc ghecommuniceert / ghesproken / ende de voorszreven middelen ende Remonstrantien geleverd hadde / de welcke in Spaensch overgheset ende byden Coninck doorszien ende overlesen zijnde / den Coninc zeer wel behaeghden / ende dat den Coninck omme de zelve te helpen effectueren / hem ghevanghene beloofd hadde hulpe ende assistentie te doen van ghelde ende volcken / ende voort eerste te bestellen op Cuelen ofte Francoort door eenighe Italiaensche Coopluyden / de somme van twee-hondert duysent Daelders / met commissie absolute op hem ghevanghene / om Kuypteren ende knechten aen te nemen daer ende zoot hem goet duncken zoude / belovende hem daer beneffens te voorszien / met t'Heretochdom van Gelre ofte eenich ander hem best ghelegghen zijnde / ende tot merder verzeckerheyt van dies / hem overzeynde het afdrucsel van syn Signet / ghegraveert in een Diamantsteen / t'welc de Coninck van Spangien voort syn meeste secreet ghe-

ghebruyckende is / dat hy ghevanghen dien volghende ende
om de voorszreven zake te beter ten effecte te brengen / hem
begonst heeft wt te gheven voor een bastaert van Oostenrijk
oft van Keyser Kaerle / ende metten voorszreven Meester
Jacob Vos ende Jan Kottaller ghemaect ende hy gheschryft
gheselt zeker famens / oproerich / ende sediticus Libel ofte
eenich geschryfte / gheintituleert Hooch-noodich Advertissement, mits-
gaders noch zeker Assive op den naem van eenen bastart van
Oostenrijk / adresserende aenden Hoofd-mannen / Bevel-
hebberen ende ghemeene Schutters vanden Steden deses
Lants tenderende beyde om de Gemeente oproerich te maken
ende op de beene te brengen / ende de teghenwoordighe Ke-
gierders / Overheden / ende Magistraten vande Landen ende
Steden te verdriven / door hulpe ende assistentie vanden voorsz-
noemden bastart van Oostenrijk / die hem byde voorszre-
ven Gheschryften te dien fine voor haer Hoofd aanbiedende
was / welc oproerich Advertissement / hy ghevangene verschep-
den persoonen ghetjoont ende ghecommunitceert / ende met
eenighe van henlunden gheraetslaecht heeft / omme d'eene oft
d'ander Stede inne te nemen / ende alzoo t Lant weder te bren-
ghen onder tghewelt vanden Coninck van Spangien / tot
welcken eynde hy eenen Joris Willeboorts tot Leyden t'voorz-
schreven sediticus advertissement ghelevert ende aenbesteeft
heeft / omme vier dupsent Exemplaren daer van te drucken /
ende ses hondert Exemplaren vande voorszreven Assiven /
de welcke onder t volck van dese Landen zouden worden ghe-
stroyt / ende bezeghelt mette Wapenen van Oostenrijc / welck
hy daer toe heeft doen maken by Hans de Voor tot Utrecht /
ende de ghevanghene tot het koopen van een Persse / Letteren /
ende pampier / opghebracht ende ghesurneert heeft twee hon-
dert Pistoletten in specie / omme noch vier dupsent Exemplaren
van t'voorszreven Advertissement tot Cruken oft elders ghe-
druckt te worden / te weten / twee dupsent in Duytsche ende

twee duysent in Frausopsche tale / omme buypen-slants ende
 onder den mal-contenten te distribueren ende stropen / ende
 dat hy ghevanghene hem alreede tot Cuelen ofte Francofort
 zoude ghebonden hebben / omme de voorszreven Commissie
 ende tghelt banden Coninc t'ontfanghen / ende dien volghende
 Ruyteren ende knechten aen te nemen omme syn aenslach op
 de Landen te effectueren ende volbrengen / ten ware hem tzelve
 met syn apprehensie belet ware gheweest: Alle welcke zaken
 zijn van zeer quade exempelen ende consequentien / streckende
 tot oproer ende seditie / ende van verraderije ende rebellie / niet
 erculabel zijnde / die in een Land van Justitie niet en behooren
 ghetollereert maer swaerlijck ghestraft te werden / ten exemple
 van andere: zoo ist dat t'voorszreven Hof / met rippe deliberatie
 van Rade dooz-ghesien ende ober-gheweghen hebbende alle
 tgundt ter materie dienende was / doende Recht wtten Name
 ende van weghen de hooghe Overicheyt ende Graeffelijcheyt
 van Hollant / Zeelant / ende Vrieslant / den voorszreven ghe-
 vanghene ghecondemneert heeft / ende condemneert hem by
 desen / ghebracht te werden opt Schabot staende aende Plaetse
 vanden Haghe / daermen ghewoon is Justitie te doen / ende al-
 daer gheexecuteert te werden metten sweerde / tlicham ver-
 deelt in vier quartieren of stucken / ende d'zelve ghehanghen
 aen vier kricken oft potenten opte vier hoecken vanden Hage /
 ende thoofst ghestelt op een stake / verklarende alle syne goeden
 gheconfisqueert ten profijte vande hooghe Overicheydt voorsz-
 schreven.

Actum by den President Borre. Casenbroek. Bredemude.
 Dooy. Meny. Backer. Deesschey.

Ende ghepronunceert den neghen-en-twintichsten Martij/
 vijftien-hondert drie-ende-tachtich.



Tot den goetd-vvillighen Leser ende allen Lief-hebbers
der vvarer Nederlandscher Vrijheydt.

Eerfame ende wel-beminde Leser/alsoo men met het voort-
brenghen van dese Belijdenisse ende Sententie van Cor-
nelis de Hooch/een oude koe (ghelicmen in een ghemeen sprec-
woordt zeydt) schijnt wt de gracht te willen halen; nochtans is
de jeghenwoordighe ghelegentheyt deses tijts/ende de onacht-
saemheyt en ondancbaerheyt der mensche zulcx vereyflichende/
welcke zeer haestelijck verghetende de erempelen ende waer-
schouwvinghen/welcke ons den goeden Godt t'allen tijden zoo
blijckelijc gethoont heeft; zijn gheneycht altoos na ons eygen
berderf/te loopen: Want al hoewel desen voornoemden de
Hoogh na syn wterste vermoghen daer na trachte dat hy dese
Landen onder de subiectie van den Coninck van Spangien
mochte brengen/ende dien volghens in de alder ellendichste
slavernije vanden wreedtsten Tyran ter werelt/zijn niettemin
alhier verscheyden luyden (welcke anders goede Patriotten
waren) zoo misleypdt gheweest door syn valsche aenstoken/datse
haer blindelinghs zouden hebben laten ghebruycken tot het ef-
fectueren van syn voornemen/indien Godt zulcx niet verhoet
hadde/behalven dat noch vele van t'blinde Ghemeen-volc/de
hooghe Overicheyt beschuldichden als verdruickers der genen
die slants Welvaren zochten/overmits den voornoemden de
Hoogh onder andere van syn laetste woordt/hemselven in deser
manieren beklagghde/zeggghende: Moet ick dan steiven,om dat ick des
Lants welvaren ghezocht hebbe? welc hy vele eenvoudighen en bremt
nadencken gaf: ghelijc ooc nu tegenwoordich van vele daer op
ghe-

ghesproken wort dat den peps zo langhsaem voortkomt / alsnu
d'eene alsnu d'andere daer van de schult ghevende: zeggende
dattet aende Erzhertogen nochte den Conne van Spangier
niet ghebreecht / als haer in alles tot den Vrede zeer gheneygh
thoonende; maer dat die van dese vereenichde Landen evert
hartneckich blijven: welc zeggen gheen fundament heeft / ende
niet vorder siet als op de verbloemde redenen ende schoone bes
loften der ghenen die ons zoeken te bedriegen. Daeromme dat
ons dit seyt van Cornelis de Hoogh dienen zal tot onderrich
tinghe van het voorledene / op-merckinge van het teghenwoor
dighe / ende waerschouwinghe van het toekomende. Biddende
den Almoghenden Godt / die tot noch toe zoo ghetrouwelijck
voor ons ghewaerck heeft / dat hy onse zake tot een goede wt
komste brenge / mitsgaders onse Overicheyt ende alle de ghene
die van onsen t wegen tot den Vrede-handel beroepen zijn / met
voorzichtigheyt / stancvasticheyt / ende manhafticheyt wapenen
wil: ende wy ons voortz alle te samen met berou ende af-standt
onser sonden voor syne Goddelijcke Majesteit verootmoedi
gende / zal hy ons (zonder twijffel) verleenen (ist niet in dit leven /
zo salt zijn hier namaels) eenen eentwighen Vrede: Amen.



